

儀

禮

肫

測

士虞禮第十四

儀禮

孔廣林臆測

儀禮臆測十四

士虞禮

鄭康成云虞安也士既葬其父母迎精而反日中而

祭之於殯宮以安之或云虞度也主人由廡而寢婦人由室而堂

于彼于此有虞度之義廣林謂虞之禮於寢不於廡有室事無堂

事不得云于彼于此也或之所云乃反哭時事耳於虞義無涉虞

以安神義無可疑

特豕饋食

疏云左氏傳卜日曰牲葬日虞略無卜牲之禮故

指豕體而言不云牲大夫已上亦當然雜記云大夫之虞也值往

下記云陳牲於廡門外檀弓云與有司視虞牲皆言牲者記人之

言不依常例故也廣林謂喪奠除大遣用少牢他皆特豚至虞乃

易用成牲故云特豕以別于豚且別于吉也如疏說則虞必不可
言牲祝祝之辭何以云絜牲乎知不然矣

側亨于廟門外之右 鄭康成云側亨亨一胖也吳中林云吉

祭正俎用右餘俎用左鼎雖有升有不升要無不亨于鑊若右胖
不亨則餘此腥者何爲特牲注以側爲一牲是也廣林謂側如半
面爲側之側側亨一胖者疏以爲無主人主婦已下之俎是也用
則亨不用則否不敢以不用者與左胖合亨敬也亦以變于吉也
鄭君注側字義唯此得解乃謂是錯而轉以特牲注爲正抑亦左
矣

并用緇布 鄭康成云緇布葛屬疏云緇布竝言麻葛雜敖君

善云土吉祭幕用裕此喪祭乃用絺其義未聞腐林謂此與燕禮
幕用裕若緡大射幕甲緡若絺文同省若字耳幕奠用功布冬夏
同此別冬夏漸卽于吉矣絺細于裕決無吉用裕而凶乃用絺者
絺蓋裕之譌或曰絺布當作緡布奠用功布虞用緡布正其差音
相近而誤

饌黍稷一敦于階閒西上藉用葦席 疏云先陳席乃陳黍

稷於上是所陳席藉薦黍稷也敖君善云藉敦未必有席席字蓋
因上文而行也特牲禮藉用萑廣林謂周官司几筵云其柏席用
萑黼純諸侯則紛紛純每敦一几司農引或說柏席載黍稷之席然
則藉敦有席矣天子諸侯藉以席復承以几大夫士有席而已無

几也特牲萑亦席也不言席文省不得以此爲衍

主人及兄弟如葬服

敖君善云葬服主人髻髮衆主人及兄

弟免而大功以上者皆散帶垂也廣林謂主人亦免自殯後無復髻髮矣敖氏蓋未審既夕丈夫髻爲文脫而云然耳

祝免澡葛經帶

鄭康成云祝亦執事免者祭祀之禮祝所親

也澡治也治葛以爲首經及帶接神宜變也吳中林云注以祝爲所親蓋據小記總小功虞卒哭則免言之恐祝未必皆總小功也又免無首經廣林謂鄭云祝所親屬上祭祀之禮爲義謂祭祀祝身親接事神也正嫌祝非總小功不當免故以親祭事解之吳誤會注意凡經言經皆兼首經要經主人亦免矣主人而無首經乎

贊薦菹醢

鄭康成云主婦不薦齊斬之服不執事也敖君若

云主婦不設豆與敦未敢同於吉也或謂主人或尙有母則母爲
主婦不得助子祭故辟不薦焉廣林謂曾子問云士祭不足則取
於兄弟大功以下者若然丈夫齊斬不執事婦人可知鄭君據記
解此經確不可易或因下亞獻主婦親之遂謂彼乃自獻不妨母
與子偕此是執事母不得助子祭創辟嫌故不薦之說誤矣內則
云舅沒則姑老然則主婦據主人妻不指主人之母夫何嫌且薦
與亞獻皆助祭也謂薦是執事可也謂亞獻非助祭則不可主婦
得亞獻不得薦者亞獻事尸正禮故親之猶主人之得親獻也薦
豆乃其細節所謂執事也故不親猶主人之不出舉鼎矣彼亞獻

得自反兩邊者因自獻自爲之亦變于吉也又主婦薦豆特牲禮
卽如是豈此主婦當關主人之母彼卽不當兩見之邪益知其無
據矣

祝饗 鄭康成云饗告神饗也饗神辭記所謂哀子某哀顯相夙
興夜處不寧下至適爾皇祖某甫饗是也敖君善云饗辭卽記所
云哀子某圭爲而哀薦之饗者也或謂此饗特性少牢竝無之廣
林謂喪祭吉祭饗皆有二一在陰厭所以饗神一在尸墮祭所以
饗尸據禮言謂之饗釋其辭則曰祝饗神之辭則哀子某哀顯相
云云者是饗尸之辭則哀子某圭爲云云者是注說甚明敖氏誤
以此祝饗與祭于苴後祝祝爲兩度釋辭而互易此兩辭以實之

吾不知下尸墮祭後祝祝敖氏將以何辭實之耶說者所以有饗神辭再釋于尸之說然非禮矣蓋此經祝饗乃題下事非釋饗辭若此爲釋辭主人當拜何經無主人再拜稽首之文也

祝迎尸

檀弓云既封主人贈而祝宿虞尸廣林謂尸於死者

謂孫行窆時當在墓所既窆宜從反哭不得在家俟祝宿也若以爲尸故不送葬恐未必然蓋記者之誤喪事遽且略疑無宿尸禮既反哭出門卽外位祝乃告當爲尸者曰吾子爲尸尸諾乃易服以俟觀經及記竝無宿尸尤其證矣

尸升宗人詔踊如初

鄭康成云言詔踊如初則凡踊宗人詔

之敖君善云至是乃云宗人詔踊明尸入門而踊者非宗人詔之

也廣林謂宗人主詔相主人凡升降及踊無不詔者上經尸入門下無詔踊文以此云詔踊如初釋之蓋尸入門下脫宗人詔踊四字耳不然此不得蒙如初之文也

載四豆設于左 敖君善云庶羞唯用載亦變於吉或云四豆

皆載故不言南上廣林謂少牢云羞載用兩瓦豆有醢亦用瓦豆特性羞庶羞四豆亦云有醢則此亦當載醢各二豆但載皆豕載耳不與特性同變於吉且從略也不言有醢及所上皆文從省

筵祝南面 鄭康成云筵用萑席疏云尸以在喪故不用萑祝

宜與平常同廣林謂固也但尸尊祝卑祝又側近尸似不宜獨異況經記於不同者每別異之此不言蓋亦葦席云

主人獻祝祝拜坐受爵 敖君善云坐受爵者因尸禮也廣林謂祝不得因尸禮也凡賓主獻酢授受皆立唯尸乃坐祝接神主人敬之故坐授受坐者不立故祝亦坐受少牢注坐受云室中迫狹亦非其義

主婦洗足爵于房中酌亞獻尸 說者多以此主婦爲死者妻謂不宜舍服重者而使服輕者爲主婦惟其妻沒者乃是主人之妻廣林謂其夫爲主人也者其妻爲主婦不以服輕重論也主人斬衰用廢爵若主婦是死者妻此爵亦不足而廢矣或更謂亞獻輕于初獻故足爵又謂言足爵者兩見其義皆曲說耳

記虞沐浴不櫛

監本臣紱考證云敖本無沐字注云今文曰

沐浴則鄭從古文不應有沐字矣石經有沐字蓋從今文今仍之而加圈以別之廣林謂雜記云凡喪小功已上非虞附練祥無沐浴然則虞得沐浴矣沐浴同爲潔清而沐較浴差輕卽寔爲不得且沐且浴亦當沐而不浴未有可浴矣而沐不得者許其大而不許其細何居據注古今文固有不同然安知非今文曰浴沐或今文無沐浴或今文曰沐浴下有無不櫛字或今文曰沐浴櫛轉寫者注有譌脫也况注云沐浴者將祭自絜清未見爲單解一字烏可遽以石經爲誤衍非鄭君原本敖氏據今文曰沐浴五字輒刪記文及注首沐字蓋未細繹雜記之文故

日中而行事

鄭康成云君子舉事必用辰正也或云日側亦

可廣林謂日出爲質明日入爲昏所謂遠日也與此日中而三謂之辰正三代迭用之周人大事斂用日出此日中虞以朝葬故耳卽或反哭已逾日中亦必用昏而虞如夕奠遠日決不以日側也彼祖用日側者以祖後諸事尙多已晏恐不及辨耳

滄尸盥執槃西面執匱東面執巾在其北東面宗人授巾南面 吳中林云少牢執事者皆宗人彼執巾者卽授巾此亦宜然廣林謂特注記云奉槃者東面執匱者西面滄沃執巾者在匱北宗人東面取巾振之三南面授尸與此記正同唯槃匱東西互易則吉凶相變耳是士禮唯授巾爲宗人與少牢皆宗人執事者異故注云執巾不授巾卑也以少牢禮律此左矣

尸入祝從尸 鄭康成云祝在主人前也嫌如初時主人倚杖入祝從之初時主人之心尙若親存宜自親之今既接神祝當詔侑尸也敖君善云嫌如迎尸之時猶先行也入謂入門廣林謂入入戶也經不見祝入文故記云從尸所謂延矣下尸謾則前鄉尸所謂道矣

尸謾祝前鄉尸還出戶又鄉尸還過主人又鄉尸還降階又鄉尸降階還及門如出戶 舊讀四還字皆下屬爲句或疑下降階字衍廣林謂四還字並當自爲句鄉尸側身疑尸也還轉而道之行也上降階謂將降時下降階謂沒階也將降側鄉尸不復還卻行沒階乃還向前行及門又鄉尸故云如出戶

主人入祝從啟牖鄉如初 鄭康成云鄉牖一名也廣林謂此不辭鄉讀爲饗饗如初如初之祝祝主人再拜稽首也其辭則圭爲而哀薦之是矣蓋以當有尸墮祭後之祝也敖氏以爲西鄉如初若然記當云位如初不得云鄉

再虞皆如初曰哀薦虞事 反哭而虞固所以安神然不敢

必神之則安也故云禘事言與先祖合則可安矣至再虞乃正言之曰虞事此立言之次宜爾或乃疑記文有錯誤非也

佐食授嚌 吳中林云嚌當作祭或云禮無直云嚌者廣林謂

有之祭統云君執鸞刀羞嚌上云取脯濡醢祭之當祭肺者也此授嚌尸受振祭嚌當舉肺者也舉肺曰嚌肺故此乾肉亦以嚌名

明既振祭而齊之也字非譌

死三日而殯 曲禮云死與往日固也然絕氣在逮日之前飯

含襲或可畢事令昏暮而死則一切死事恐非頃刻所能次舉况

衾冒掩殯幘目諸襲事皆死而後制又豈縫人一夕閒所能辨具

者乎聖人制禮必不强人以所難又必不肯令人倉卒趣辨以雷

附身之悔也然則三日而殯者語其常耳其或事有不辨亦未必

不許其與來日矣

卒辭曰哀子某來日某濟耐爾于爾皇祖某甫尚饗 鄭

康成云卒辭卒哭之祝辭敖君善云卒謂已薦也已薦則祝告以

此辭廣林謂薦即上未徹乃饒之饒無祝辭也注以為卒哭是矣

但卒非卒哭之卒卒終也於祔辭之終增此一語猶特在禮卒曰
筮子爲某尸之卒矣

特牲饋食禮第十五

儀禮

孔廣林臆測

儀禮臆測十五

特牲饋食之禮

鄭目錄云謂諸侯之士祭祖禘命筮注云士

祭曰歲事此言某事又不言如者容大祥之後禫月之吉祭廣林
謂注所云是也有三證焉凡四時之祭必諱丁己之日此服闋無
定期苟可祭焉唯其所值而筮之矣故不諱日一也少儀云贊幣
自左詔辭自右故士冠筮日宰自右贊命而此乃自主人之左示
吉而未純吉二也時祭當日用薦歲事于皇祖某子以某妃配某
氏而此云諫此某事適其皇祖某子與耐辭適爾皇祖某甫文同
不言如又與士虞記云吉祭猶未配者合三也凡斯三者足以決
矣經不題禫月吉祭之禮者士之時祭亦與此大槩相同云特牲

饋食亦關時祭也

不諏日 鄭康成云士賤職喪時至事暇可以祭則筮其日矣
不如少牢大夫先與有司於唐門諏丁己之日廣林謂大夫與士
禮有隆殺其孝享之心無差等也日用丁己祭之通例烏有苟假
一日之閒勿勿將事者不諏日具如前說

有司羣執事 鄭康成云士之屬吏也或云有司有專職者不
可以專職名者爲羣執事廣林謂有司公有司也羣執事私臣也
此時尙未筮戒亦不得云有無專職矣

宰自主人之左贊命 自左義前已釋矣敖謂左當作右非也
或以士喪命筮在右爲難則士冠疏云始死未忍異於生故也

筮來曰某詎此某事適其皇祖某子 既云筮來曰某不當更云諷蓋薦之譌因與筮尸命辭文相涉而誤也某事或當云吉事適卽士虞記適爾皇祖之適不云爾云其者對筮之辭敖氏謂適其廟而祭之非其義

長占 鄭康成云以其年之長幼旅占之廣林謂占者三人有正有貳以次占之不以年之長幼論也

乃宿尸 以下經厥明及夙興推之此宿尸亦與筮尸同日如少牢禮或謂宿尸于筮尸明日者誤解前期三日爲空二日也說詳士冠禮

主人再拜尸荅拜 少牢宿尸前後皆稽首此則前再拜而後

乃稽首或以爲主於相變廣林謂特性事尸之禮皆尊於少牢此不宜獨從殺蓋文不具耳

某薦歲事 或疑歲當作某廣林謂禘月之吉祭亦時祭也故於宿賓正言之字非誤

豆邊銅在東房南上 鄭康成云東房房中之東當夾北廣林謂然則夾室在房室南爲之與寢五室室居中其左爲東房其右爲西房東房之左爲東夾室西房之右爲西夾室東房中半以北爲北堂自天子達無異制也舊說大夫士東房西室已無經據而此注云房中之東當夾北是屋北一架西通爲室東通爲房尤爲舛繆繪二圖左方中

鄭君說

烹𦉳房

室

東夾室

爨戶 爨戶


西夾室

東堂

西堂

改定圖

圖



西夾室

西房

室

東房

東夾室

戶 戶 戶 戶

西室

堂

東堂

西階

東階

立于門外東方南面視側殺 鄭康成云側殺殺一牲也廣
林謂既云特牲矣何必又言特殺側旁側之側殺牲于門東嫌享
神之牲或宜當門殺之故特云側殺明側于東方也

主人拜賓如初揖入卽位如初佐食北面立于中庭 鄭
康成云佐食賓佐尸食者立于宗人之西廣林謂佐食主勸養尸
宜使同姓故其旅也齒于兄弟教氏以爲主人兄弟佐尸食者是
也上經敘視濯之位云主人及子姓兄弟卽位于門東如初賓及
衆賓卽位于門西東面北上宗人祝立于賓西北東面南上此經
云卽位如初則宗人仍立于賓西北佐食北面于中庭不得與宗
人偕且在宗人東亦不得云西也

佐食升所俎鼎之設于阼階西卒載加匕于鼎 鄭康成
云古文甗皆作密敖君善云當作冪廣林謂儀禮一經凡言俎者
皆不見有覆或疑此甗之爲衍文然尊有冪矣遷有巾矣况此所
俎主人所以敬尸升心舌至設俎尙需時冪之以禦塵亦其宜未
見其必爲文衍其字當依敖氏說作冪蓋以裕如遷巾甗若束若
編非覆俎所宜矣吳中林云如遷巾而廣或然但吳本加匕于鼎
之于作去云徹也鄭君不見徹鼎義且此若爲去鼎則加匕二字
文反不足蓋汲古毛氏本譌于爲去中林未以石經校勘沿其譌
而爲之說耳

祝饗 鄭康成云其辭取于士虞記則宜云孝孫某主爲而孝薦

之饗舊說云明薦之廣林謂大戴記諸侯遷廟禮云孝嗣侯某潔
爲而明薦之饗若然云明薦者是也喪祭稱哀吉祭稱孝自稱之
辭則然不謂吉祭必當以孝易哀也

佐食羞庶羞四豆設于左南上有醢 鄭康成云四豆者臠

炙臠醢南上者以臠炙爲上或疑少牢兩臠兩醢士不得用臠炙

廣林謂士虞禮云臠四豆設于左明止有臠醢無他味也此云庶

羞四豆是不止臠醢矣必是臠炙者庶羞十六醢之外大半牛羊

唯有豕臠豕炙豕臠今旣是四豆則臠炙臠醢可知不取芥醬魚

膾者庶羞之下也大夫無臠炙士得用之禮器所謂有順而披者

矣

主婦洗爵于房酌亞獻尸尸拜受主婦北面拜送 鄭康

成云主婦貳獻不夾拜者士妻儀簡耳北面拜者辟內子也大夫之妻拜于主人北西面廣林謂婦人與丈夫爲禮無不夾拜者况獻尸乎經不言文不具耳婦人夾拜乃爲成拜猶丈夫之再拜也丈夫于當再拜者而一拜焉可乎此以知其必不然矣

酢如主人儀 鄭康成云尸酢主婦不易爵辟內子致爵於主人則易爵也廣林謂男女不相襲爵別也不得因辟內子而撤其防夫婦而酢必易爵他人可知此亦文略耳下主人更爵酌醑及少牢尸酢主婦易爵洗酌授尸正文互相備

揖執祭以降西面奠于其位位如初薦俎從設 有司云

賓坐取祭以降西面坐委于西階西南宰夫執薦以從設于祭東
司士執俎以從設于薦東或疑彼不言揖此經揖字衍文廣林謂
揖揖薦脯醢設折俎者也已執祭以降揖之使執薦俎以從重勞
之故與爲禮大夫之賓卑矣執祭以降不復揖謙若不敢勞之示
將自反取薦俎也宰夫司士各執以從設于其位則成主人敬賓
之意也

主人洗解賓辭主人對卒洗酌西面賓北面拜主人奠解
于薦左賓坐取解還東面拜主人荅拜賓奠解于薦南揖
復位 此一節賓有兩次拜主人止一次荅之或疑北面拜脫主
人一荅或疑東面拜衍拜字廣林謂鄉飲酒云賓實解東南面授

主人主人阼階上拜賓少退主人受解賓拜送于主人之西鄉射
云賓進東南面主人阼階上北面拜賓少退主人進受解賓主人
之西北面拜送凡酬皆受酬者先拜受酬者乃拜送各止一次拜
無兩次拜者此賓北面拜拜受也下云主人荅拜乃拜送也北面
拜下無脫文東面下衍拜字耳主人荅拜當作主人拜送則轉寫
者之譌

爲加爵者作止爵如長兄弟之儀 或云長兄弟無作止爵
事此長兄弟疑爲衆賓長之譌廣林謂上經三獻爵止作止爵者
還使三獻衆賓長加爵爵止故此作止爵者還使衆賓長卽如或
所疑亦當云如三獻之儀衆賓長不得自相如也上經云長兄弟

洗觴爲加爵如初儀如三獻之儀也故此經不蒙三獻而云如長兄弟之儀如者如其不及佐食洗致無從也

佐食徹尸薦俎敦設于西北隅 鄭康成云尸設而改饌爲

幽闇庶其饗之所以爲厭飫少牢饋食禮曰南面如饋之設此所謂當室之白陽厭也則尸未入之前爲陰厭矣萬充宗云天子諸侯有灌地降神之事大夫士無之然祝酌奠奠于劍南亦降神之意天子諸侯設祭于堂爲祔于外大夫士無之然設于西北隅亦于彼于此之義陰厭祭宗子之殤陽厭以祭凡殤非指尸未入與尸既出也使凡祭必有二厭何以少牢不饋尸者有改設之事而饋尸者無之耶廣林謂此未融乎曾子問之文也會子問云殤不

備祭何謂陰厭陽厭是成人備祭明有二厭矣彼記又云攝主不厭明正主之祭有厭矣曾子問正義云上大夫當日賓尸故少牢禮無陽厭下大夫不賓尸有陽厭其天子諸侯明日乃釋祭亦有陽厭也蓋二厭本祭成人之禮祭殤者各放其意而爲之耳

記 唯尸祝佐食之端立裳黃裳雜裳可也皆爵韠 士

虞記云尸服卒者之上服然則士之服以皮弁爲上此尸宜皮弁素積緇帶素韠而云玄端似失之矣意者尸字爲衍文與教以爲服卒者之上服唯據喪祭亦以意測之耳

斯俎心舌皆去本末午割之 吳中林讀皆去本絕句末屬

下讀廣林謂少牢禮云心皆安下切上午割勿沒舌皆切本末亦

午割勿沒注云凡割本末食必正也然則當于末字絕讀之矣午
割通上下割之中央不絕者少許不專據末言也

少牢饋食禮第十六 儀禮 孔廣林臆測 儀禮臆測十六

少牢饋食之禮 鄭康成云諸侯之卿大夫祭其祖禘於廟之

禮疏云曲禮下云大夫以索牛是天子卿大夫明此用少牢為諸

侯之卿大夫廣林謂傳云名位不同禮亦異數天子之卿大夫與

諸侯之卿大夫固自不同但曲禮云大夫以索牛士以羊豕與此

經異非王朝侯國之別也蓋天子祀以會會六牲備也牛羊豕犬馬雞

謂之六牲周官大司徒云祀五帝奉牛牲享先王亦如之雞人云其雞牲大司寇云大祭祀奉犬牲羊豕馬

無正文鄭君說司空奉豕其羊馬則大司馬云大祭祀羞牲魚牲馬與羊也說詳周官臆測然則天

子之祀六牲備焉 禘以饋牛諸侯而下無禘皆有禘其禘視天子之

禘諸侯時祭以大牢禘以特牛與禘異者不用饋天子之卿大夫如之諸侯

之卿大夫時祭以少牢其干禘以大牢干求也故牛曰索牛索亦

求也索牛卽大牢也天子適士二廂視諸侯之大夫諸侯適士時祭特牲禴以少牢官師一廂天子之士以羊豕諸侯之士以特牲曲禮所云亦約略言之耳

日用丁己 鄭康成云內事用柔日必丁己者取其令名自丁寧自變改皆爲謹敬廣林謂春秋桓八年正月己卯烝五月丁丑烝所謂日用丁己也然桓十四年八月乙亥嘗昭十五年二月癸酉有事于武宮定八年冬十月辛卯禘于僖公是乙辛癸亦用之矣經舉丁己以見柔日之例鄭君引曲禮釋之義已足更卽丁己生解則失之泥

來日丁亥 鄭康成云不得丁亥則己亥辛亥亦用之無則苟

有亥焉可也廣林謂日用丁己舉幹例來日丁亥舉支例柔支六亥最在後特言丁亥者亥爲天倉疏以爲祭以求福宜稼于田故先取亥是也然亥不得吉或旬中無亥他柔辰亦可用桓八年正月以己卯烝矣五月以丁丑烝矣閏二年五月以乙酉烝矣宣八年六月以辛巳有事于大廟矣鄭君此注可破前注丁巳之泥但云苟有亥焉則又泥于必用亥辰耳

用薦歲事于皇祖伯某 疏云此經云伯某是正祭之稱若時

有告請非常祭祀則去伯直云且字則聘禮賜饗祝曰薦嘉禮于皇祖某甫是也若卿大夫無諡正祭與非常祭皆言五十字在子上聘禮記云皇考某子是也特牲士禮無諡正祭稱皇祖某子告

請則稱且字士虞記云適爾皇祖某甫是也教君善云稱其祖字
則是指士之爲祖者其祖爾若爲大夫則稱某子聘禮記曰皇考
某子是也廣林謂伯某某甫某子無大殊別唯其所稱聘禮記祖
曰某甫考曰某子足以見之矣疏強爲別異其失也拘敖說似是
而於經有闕爲大夫乃稱某子則士昏廢見之辭何以云皇舅某
子固不必其稱爲大夫也如謂假設言之經無明文何以知某爲
大夫稱某爲士稱耶

史曰諾西面于門西抽下鞶左執筮右兼執鞶以擊筮遂
述命曰假爾大筮有常孝孫某來曰丁亥用薦歲事於皇
祖伯某以某如配某氏尙饗 凡卜筮命辭前後有三有主

人命卜筮者之辭有卜筮者述主人命之辭有命龜筮之辭士禮略不述命止前後二辭大夫三者備有焉此禮是矣但此經有錯簡據士喪筮宅云筮人許諾不述命右還北面指中封而筮卜曰云許諾不述命還卽肅西面坐命龜皆於許諾下云不述命是述命者當在東面未還時恐命辭未審向主人述之以示重慎旣述命乃還西面也遂述命三字當在史曰諾下今誤錯在後則似下文爲述命辭矣故注遂誤以述爲重以主人辭告筮也

乃官戒宗人命滌宰命爲酒乃退

經於占曰從下卽繼之

以官戒乃退是與筮曰爲一時事矣滌讀當爲在滌之滌據牲言大夫牲雖不在滌祭前亦滌濯致潔焉牲酒饗神之主故特著之

其於皆在官戒中矣鄭君以澆濯埽除釋滌似失其義

宿前宿一日宿戒尸 鄭康成云前祭一日戒以進之使知祭

日當來前肅諸官之日又先肅尸廣林謂宿宿尸也目下事猶特
牲云乃宿尸也自宿至則遂改筮尸爲一節筮後卽宿故以宿尸
爲目前宿一日前宿尸之日也宿戒尸如肆師宿爲期之宿先筮
尸之夕也與下明日朝筮尸對文戒尸使知來日將筮也諸官於
筮日後已戒不復更宿特牲禮宿尸更宿賓者士卑故尊賓與大
夫禮異

明日朝筮尸 石經監本敖本儀禮圖竝同張稷若以爲朝下

脫服字廣林謂此朝筮尸正與上宿戒尸對文釋文既不發音他

本俱無異義則非文脫無疑上宿疏雖云下文明日朝服筮尸安知非轉寫者疏中誤衍未可輕據以爲經有脫字也

祝告曰孝孫某來日丁亥用薦歲事于皇祖伯某以某妃配某氏敢宿 此告以當爲尸也以特牲宿尸參正此敢宿上

亦當有筮子爲某尸占曰吉八字蓋文脫

既宿尸反爲期于席門之外 鄭康成云爲期亦夕時也廣

林謂經云既宿尸反與特牲厥明夕文異明反卽爲期不待夕也卽實爲夕時當如檀弓反日中而虞之文云宿尸反夕而爲期矣此大夫禮之異于士者

雍人概鼎匕俎于雍爨 敖君善云概猶拭也宗人命滌則有

司於祭器皆已濯之矣故至此但概之爲去塵也廣林謂說文云概滌也詩曰概之盥鬻概水出東海桑瀆覆甌山東北入海一日灌注也然則概爲正字概乃假借概不止爲拭矣官戒雖已滌濯此視濯時當更概滌之致潔敬也

司宮設鬯水于洗東有枓 敖君善云經言鬯水者唯此與大

射燕禮耳然則士之水器其異於此乎廣林謂文不具耳韓詩說金鬯大夫器也天子以玉諸侯大夫以金士以梓許君謹案云鬯者取象雲雷博施故從人君下及諸臣同上冠注云尊卑皆用金鬯其大小異據漢禮器制度文然則尊卑同用鬯士無飾耳

膚爲下

疏云前陳鼎在門外時未有俎據鼎所陳則膚在魚

上今將載於俎設之最在後故須分別之也廣林謂上經雍人陳鼎五三鼎在羊饌之西二鼎在豕饌之西注云魚腊從羊膚從豕然則膚爲下在門外時已然此特言之者以上文升鼎時膚在魚腊前嫌此陳鼎序從同耳升鼎先膚於魚腊者以膚出豕饌升豕卽遂升膚故升其文於上無關乎陳之序次也

所俎在羊俎之北 鄭康成云將先載也異其設文不當鼎廣林謂所俎先載固也其必不當鼎者心舌俎主人敬尸之加故特于俎北示尊

宗人遺賓就主人皆盥于洗長杜 鄭康成云長杜者長賓先次賓後也主人不杜言就主人者明親臨之教君善云此所遺

者二佐食三司士也云賓者省文此佐食賓也司士私人也廣林
謂佐食敖氏注特性以爲主人之兄弟是也此又以爲賓則誤矣
經但言遣賓不及佐食司士文省耳杜者賓也載者佐食司士也
或謂杜載同人非是

肩臂屬膊骨在兩端脊脅肺肩在上 張稷若云脊脅肺肩

在上肩字殆誤上文已言肩不當重出且遺胃則肩字卽胃字之
誤廣林謂肩固重出然亦非胃之誤腸胃竝升不得獨言胃也肩
臂等在兩端脊脅肺在中可知更不得云在上士喪禮云載兩臂
于兩端兩肩亞兩腋亞脊肺在於中以彼經例之此文疑有脫誤
肩在上三字似當在脊脅肺上是足成上句之義而肺下必更有

腸胃在于中五字而脫之耳據疏云俎有上下猶牲體有前後故
肩臂屬在上端膈骨在下端脊骨膈在中其載之次序肩臂膈正
脊庭脊橫脊代脊長脊短脊肺腸胃膈也似賈氏作疏時尚不
脫誤云

主婦被錫衣侈袂 鄭康成云被錫讀爲髮髻此周禮所謂次

也不纒笄者大夫妻尊亦衣綃衣而侈其袂耳今文錫爲錫敖君
善云被如被衿衣之被謂衣之也錫錫通皆當作緣字之誤也緣
祿通內司服職曰緣衣素沙是也廣林謂皆非也詩采芣云被之
僮僮夙夜在公卽此被也宵衣爲緣衣視玄端士玄端而祭故其
妻宵衣雜記云大夫冕而祭于公弁而祭于己則此主人朝服乃

皮弁服婦服八其視皮弁者爲錫衣錫亦作緡依字當從今文作
緡說文云緡細布也皮弁布衣故緡衣亦布緡之爲錫古字通耳
弁服侈袂故緡衣袂亦侈祿衣則端矣

設俎羊在豆東豕亞其北魚在羊東腊在豕東特膚當俎
北端 其設也羊北豕其東魚魚北腊俎二以陳皆橫之膚特於

四俎北西縮比斯俎入設又縮諸膚北必橫縮異者俎要方也

祝酌奠遂命佐食啟會佐食啟會蓋二以重設于敦南

張稷若以佐食啟會蓋爲句二以重爲句敖君善云云會復云蓋
明會之爲蓋也廣林謂然則有呼人首爲首頭者與昏禮云贊啟
會公食大夫云啟筮會士喪云敦啟會士虞云佐食許諾啟會特

牲云佐食啟會卻于敦南無會蓋聯文者足以決之矣蓋語辭蓋
二以重設于敦南爲一句與蓋陪牛羊豕蓋執豆如宰之蓋同儀
禮經句法然也

祝在左祝主人皆拜妥尸尸不言尸荅拜遂坐 鄭康成

云尸自此荅拜遂坐而卒食其間有不啐奠不嘗劍不告旨大夫
之禮尸彌尊也不告旨者爲初亦不饗廣林謂云尸不言則妥尸
有辭矣當日臯尸請安特牲主人拜妥尸此祝亦拜大夫禮威儀
多也饗神饗尸祀之大節決無瑕以慈告而祝不以孝告者不言
祝饗文不具耳所異於特牲者尸不執奠不啐酒不告旨而已下
經云祭羊劍遂以祭豕劍嘗羊劍是不嘗者豕劍注槩云不嘗劍

亦混

尸取韭菹辯揆于三豆 揆如今之醢也故醢醬鹽竝云揆此

揆者醢醢羸醢也三當爲二字之誤不取葵菹略之也公食大夫云取韭菹以辯揆于醢足以相證有司揆于三豆亦二之譌

上佐食舉尸牢肺正脊以授尸上佐食爾上敦黍于筵上

右之 鄭康成云重言上佐食明更起不相因廣林謂似也然以

下牢幹魚腊皆有尸祭齊文例之此以授尸下蓋脫尸受振祭齊

之左執之九字耳又上佐食所爾唯上敦黍食以黍爲主故食舉

三飯注云食以黍而嘏主人亦唯搏黍昏禮士虞皆云爾黍唯特

牲云爾黍稷彼自文衍此疏乃謂并食稷不言爾之文不具誤矣

佐食受加于所 敖君善云佐食加于所其亦西面與廣林謂
此因以所俎與膚俎皆橫設于豕北而誤也所縮于膚北佐食每
加皆南面云

祝西面于主人之南主人不言拜侑 云主人不言則祝仍
侑之如初曰皇尸猶未實侑人君三侑此再侑下之士得三侑者
順而摠矣

上佐食受尸牢肺正脊加于所 鄭康成云言受者尸授之
也尸受牢幹而實舉于菹豆食畢操以授佐食焉敖君善云言受
明尸未奠之也特性禮實舉于菹豆食畢佐食自舉加于所與此
禮異廣林謂士禮九飯尸三飯後奠舉于菹豆此飯數增舉牲體

又多乃執舉卒食恐非所以優尸也蓋亦於羞載前實舉于菹豆卒食取以授佐食而加于所敖說俱失之

尸左執爵右兼取肝揆于俎鹽

上經云賓長羞牢肝用俎

鹽在右故此云揆于俎鹽特牲嗣舉奠受尸燔俎肝設豆鹽者舉奠無俎而食肝宜鹽故爲之設一豆鹽耳或據彼記疑此俎爲豆之譌非也

尸醋主人主人拜受爵尸荅拜主人西面奠爵又拜 或

疑俠拜婦人拜法此經似有誤廣林謂周官大祝辨九擗以享右祭祀八曰褻擗卽俠拜也云享右祭祀是受尸醋宜俠拜矣然則特牲主婦亞獻尸之當俠拜益可知

右受佐食

鄭康成云右手受鹽于佐食也廣林謂此不辭佐

食二字疑衍

皇尸命工祝承致多福無疆于女孝孫來女孝孫使女受
祿于天宜稼于田眉壽萬年勿替引之 鄭康成云來讀曰

釐敖君善云來如來禹之來來之者欲其進而受黍也廣林謂來
當爲賚首二句言尸命祝嘏也承致多福無疆者承尸命致多福
無疆之祝也來女已下嘏之事也受祿二句多福也末二句無
疆之謂矣詩楚茨之四章云工祝致告徂賚孝孫與此嘏辭正同
祝取肝揆于鹽振祭嘑之不興加于俎卒爵興 鄭康成
云亦如佐食授爵乃興不拜既爵大夫祝賤也廣林謂大夫之祝

賤矣不賤於賓也賓拜既爵祝接神事尸者不拜既爵乎佐食卒爵拜此亦拜無疑文不具耳敖氏據此轉疑佐食拜爲衍文非主婦拜受爵尸荅拜 敖君善云主婦受酢不俛拜亦變于不賓尸之禮廣林謂主人於尸猶俛拜况主婦乎此與鄭君注主婦獻祝不俛拜下尸同誤

主人西面三拜奠者奠舉于俎皆荅拜皆反取舉

鄭康成云言反者拜時或去其席在東面席者東面拜在西面席者皆南面拜敖君善云奠者荅拜無異文則是西面者亦西面拜矣反取舉復取舉于俎也廣林謂主人西面拜則在西面席者自宜轉而南面然以經云皆反取舉釋之似荅拜時四人皆違其位

在東面席者亦南面拜也
不帶帽反正一字無者如
敦氏解則反字

亦贊

有司弟十七

儀禮

孔廣林臆測

儀禮臆測十七

乃燹尸俎

鄭康成云獨言温尸俎則祝與佐食不與饋尸之

禮敖君善云祝佐食亦與賓尸之禮其俎實不燹者以無上位略之但因其故俎而已廣林謂正祭尸俎而外唯祝佐食有俎尸不可用他人之餘故祝佐食俎不復燹主人主婦正祭無俎亦是故也正祭未用之體皆在鑊中燹者取尸俎歸諸鑊重爨之既燹各以賓尸應用之俎分載焉祝佐食於有事中爲最貴固無不與賓尸之理但賓尸時室事既畢祝佐食已退列賓兄弟之班異姓則俎視衆賓同姓則俎視兄弟亦非因其故俎之謂

乃舉

鄭康成云舉者不盥殺也廣林謂賓尸雖因事然既已燹

俎改升卽須盥而後舉凡中間有事則更盥如拜洗者必盥乃升酌况此賓尸爲更端乎

尸還几縮之右手執外廉北面奠于筵上左之南縮不坐敖君善云几稍高故設之不坐廣林謂云不坐是凡設几者皆坐矣此不坐設者尸有餘尊也若云几高則設几皆無坐法此不坐爲贅文

司馬牝羊亦司馬載載右體肩臂肫骼臠正脊一脰脊一橫脊一短脊一正脊一代脊一腸一胃一祭肺一載于一俎羊肉消臠折正脊一正脊一腸一胃一齊肺一載于南俎司士牝豕亦司士載亦右體肩臂肫骼臠正脊一脰脊一

一橫脊一短脊一正脊一代脊一膚五臍肺一載于一俎
侑俎羊左肩左肫正脊一脊一腸一胃一切肺一載于一
俎侑俎豕左肩折正脊一脊一膚三切肺一載于一俎阼
俎羊肺一祭肺一載于一俎羊肉清臂一脊一脊一腸一
胃一臍肺一載于一俎豕脊臂一脊一脊一膚三臍肺一
載于一俎主婦俎羊左臠脊一脊一腸一胃一膚一臍羊
肺一載于一俎司士杜魚亦司士載尸俎五魚橫載之侑
主人皆一魚亦橫載之皆加臠祭于其上 此經阼俎羊肉
清豕脊不別題阼俎而侑俎羊豕兩題初疑下侑俎二字爲衍細
釋之非侑俎衍也蓋此經錯亂失次耳侑俎羊左肩左肫正脊一

一腸一胃一切肺一載于一俎二十三字當在載于南俎之下
阼俎羊肺一祭肺一載于一俎羊肉清臂一脊一膂一腸一胃一
臠肺一載于一俎三十二字次之主婦俎羊左臠脊一膂一腸一
胃一膚一臠羊肺一載于一俎二十四字又次之皆羊也唯主婦
俎有一膚以體爲主故從羊侑俎豕左肩折正脊一膂一膚三切
肺一載于一俎二十字當在尸豕俎後豕脊臂一脊一膂一膚三
臠肺一載于一俎十七字次之而豕脊上脫阼俎二字知者侑主
人魚俎與尸魚俎並承司士札魚文下是羊豕魚分爲三等各以
札載者爲之綱也

司馬編纂俎于羊清俎南

楊信齋云清字衍廣林謂下尸醑

主人司馬糝奠清俎于羊俎西與此正同此亦當云奠清俎文錯在下耳非衍也

以授婦贊者于房東 鄭康成云房東房戶外之東廣林謂上

篇云授主婦贊者于房戶此房東亦當爲房戶字之譌耳時主婦在房中南面婦贊者房戶內西面司宮取爵至房戶外北面婦贊者出南面受爵入以授主婦也

司士羞豕齊尸坐奠爵興受如羊肉滂之禮 郝仲輿云如羊肉滂之禮亦奠俎于羊俎西載于羊俎縮執虛俎以降廣林謂如之者羞者受者兩如之也郝氏專據羞者失之矣又奠于羊俎西羞主人則然此當是羊俎南

主人立于洗東北西面侑東面于西階西南 敖君善云設
洗當東榮主人降位在阼階東直東序則宜西于洗北又上文侑
降立于西階西此亦從降也而主人云洗東北侑云西階西南未
詳疑文有誤衍也廣林謂阼階東當東序主人降階之正位也此
在洗東北者以尸適抗爲醋主婦主人不參故不當降階正位以
辨之且免背尸之嫌至侑東面于西階西南乃其正位上文云西
階西文脫耳知者侑猶介也鄉飲酒介降立于賓南賓西階西介
又在其南是西階西南矣

尸北面坐奠爵于薦左 鄉飲酒記云凡奠者於左將舉於右
此生入飲酒之法神惠反之故二人舉解于尸侑侑奠解于右侑

解不舉也此主人酬尸之解亦不舉而云奠于薦左字之誤耳當
爲右

取肺坐祭之 或引特牲云賓坐絕祭齊之謂此亦當然疑祭

下脫齊字廣林謂凡肺齊者爲離肺祭者爲切肺齊者亦祭祭者
不齊特牲賓俎有離肺故祭而後齊之此賓俎但有切肺不齊明
矣不得疑此經有脫文也

賓西面坐奠爵于薦左 特牲云賓奠解于薦南薦南薦右也

此主人酬賓之解後將舉之爲無算爵所謂將舉于右也賓辟尸
侑用生人飲酒法此左亦當作右

長在左 鄭康成云辟主人廣林謂後生者舉解于其長猶主

人酬賓之儀後生者當主人位長兄弟當賓位云長在左則與賓在主人左同矣何云辟主人也今注云然似經文在左之左本作右轉寫者譌耳

若不僨尸 鄭康成云不僨尸謂下大夫也廣林謂此不僨尸如冠之不醴昏之不親迎士虞之無尸著禮之殺者耳卽實爲下大夫亦當云下大夫則不僨尸如公食云下大夫則若七若九者矣著其人則爲異人之禮但云若不則人同而禮異立文固有不

同不得混也

腊辨無髀

辨字當作辨說文云辨判也辨如升右髀之髀上

篇腊一純而俎此止盛右體脊屬焉而髀不升云腊辨者明盛半

也

扉用席

古文扉作𠄎廣林謂扉隱也據地之隱暗與用席文

不相屬當從古文作𠄎𠄎蔽也蔽之以席也特牲扉用筵亦當作

非用筵

儀禮

孔廣林敘錄

儀禮臆測十八

儀禮之不習於學者久矣韓文公已苦其難讀遑問其它故解周官禮記者多而儀禮自注疏而外僅有李寶之楊信齋吳草廬敖君善數家而已宋拗相新經義出此經就廢注疏亦中軼故儀禮譌錯脫衍尤甚它經閉目者多掃葉者少幸有開成石經及朱子經傳通解猶可參正然其三豕已自絡繹矣校周官畢卽從事儀禮勘磨之下恨不得唐宋以前諸家注說一爲互證凡有疑義輒不自揣以所億測之得若干條筆而存之仿鄭君目錄而爲之錄每篇之斷章分節附著焉亦可得諸禮儀節之事較云爾

士冠禮第一

儀禮

此士冠子之禮也大夫已上皆依士禮

行之記曰天子之元子猶士也此於五禮屬嘉禮大宗伯云以昏

冠之禮親成男女此篇凡二十一章首筮日筮于廟門至次戒賓主人

至賓前期三日節次宿賓及贊冠者乃宿賓至亦如之次為期厥明夕至告期于賓

之次陳服器夙興至則東面次主賓各卽位主人立端至立于外門之外次賓入賓者告至西面南上

次三加主人之贊者至入于房次醴冠者筮于戶西至賓荅拜次見于母冠者奠解至母又拜次字賓降

至冠者對賓出至次見兄弟姊妹冠者至如見母次見君及鄉大夫先

生乃易服至鄉先生次醴賓乃醴賓至歸賓俎此正禮也次醴若不醴至取遵脯以降如初次孤子

冠若孤子至直東塾北面次席子冠若庶子節次母不在冠者母不在節乃禮之變也次冠

禮諸辭戒賓至唯其所當次屨屨至不屨總屨則疑本記文而錯于記字之前者矣

冠義一章非冠記也

士昏禮第二 儀禮 此於五禮屬嘉禮雖據士為文然經題

直曰昏禮蓋亦有關乎上下者矣經十有四章首納采問名下達至如初禮

次醴賓擯者出請至主人次納吉納吉節次納徵納徵節次請期請期節次饋

具期至合昏次親迎主人爵弁至俟于門外次昏禮成婦至至呼則聞次婦見舅姑夙興至授人次

醴婦贊醴婦至入于室次婦饋婦盥饋至始飯之錯次饗婦舅姑共饗婦至歸婦俎于婦氏人次禮送者

舅發至贈丈夫送者以束錦此正禮也次舅姑既沒之禮若舅姑既沒至終禮之變也記亦

十有四章首昏期及所用物記至必敬全次笄女及教女子許嫁至教于宗室次問

名之儀問名節次祭醴及反命祭醴節次執皮之儀納徵至適東壁次醴女至升

車父醴女至相對次酌玄酒之節婦入寢門至加勺次筭筭至散筭次饗婦及婦人相饗

婦席薦婦入三至無降次與祭期婦入三節次庶婦庶婦節次昏禮請辭昏辭至不足與為禮也次親

沒使命所稱宗子無父至稱其兄次不親迎見婦父母若不親迎至終

士相見禮第三 儀禮 此於五禮無文以義類求之蓋賓

禮也凡十有五章首士初見于士擊至送于門外再拜次還擊主人復見之至主人送于門外再拜

次士見于大夫士見于大夫一節次嘗為臣者若嘗為臣者至再拜受此士相見正經

也次大夫相見下大夫相見至如士相見之禮次大夫士庶人見于君始見于君至君答壹拜次

他邦人見于君若他邦之人節次燕見于君凡燕見至辨君所在次言視之法凡言至坐則視膝

次侍坐于君子凡侍坐于君子至請退可也次侍食于君若君賜之食至三辭次先生異爵者

見于士若先生至先見之次自稱于他邦非以君命使節次執幣玉儀凡執幣至曳踵次自稱

于君末節此疑皆士相見記文也

鄉飲酒禮第四 儀禮 此於五禮屬嘉禮凡鄉射必先行鄉

飲酒之禮於宗伯文兼飲食賓射中矣此經凡二十有二章首謀

賓介主人就先生節次戒賓介主人戒賓至次設席器乃席賓至南肆次速賓介奠定

從之次迎賓拜至主人一相至當次主人獻賓主人坐取爵至次賓酢主人主人揖降至主

賓降洗至賓西階上答拜次主人酬賓主人坐取解至坐次主人獻介主人揖降至主

次主人自酢于介介降洗至介次主人獻眾賓主人西南面次一人舉解

揖讓升至舉解者降次樂賓設席于堂次立司正主人降席至次旅酬賓北面坐

二人舉解使二人舉解次徹俎司正升至次燕說屨至次賓出賓出至

次尊者之禮賓若有尊者次賓拜賜主人拜辱明日至次息司正主人

釋服記至不次席器牲羞薄筵至次拜爵奠

爵辭洗之節以爵拜者次立者面位立者次薦樂正樂正與次獻必

至如賓禮至如賓禮

有薦凡舉節次大夫入之節樂作節次獻工與笙獻工至西階上次樂縣磬節次主

人升降席法主人介節次薦司正司正節次旅凡旅至不祭次士入之節既旅節次

徹俎之節徹俎至以東次奏陔之節樂正至陔作次尊者席位若有諸公節次主人

贊者末二節

鄉射禮第五 儀禮 此周官大宗伯云以賓射之禮親故舊

朋友者也經四十有六章首戒賓主人戒賓至賓送再拜次設席器樂縣及侯

乏乃席賓至西五步次速賓奠定至遂從之次迎賓拜至及門至當楹北面答再拜次主人獻賓主人

坐取爵至作賓以虛爵至西階上答再拜次主人酬賓主人坐取解至坐與解于薦東反位

次主人獻眾賓主人揖降至與于篚次一人舉解揖讓升至舉解者降次有尊者大夫若有尊者至皆

升就次樂席工至升就席次立司正主人降席至立于解南次請射未旅至次納射器射

降自西階至

在東序東

次比三耦

司射至子與某子射

次張侯倚旌

司正至乃退

次遷樂

樂正至立其南

次三耦取弓矢就位

司射至東面北上而俟

次誘射

司射東面至搢之以反位

次初射

司馬至搢拊反

位

次取矢委于楅

司馬適堂西至加于楅

次再請射

司射拊拊至賓許諾

次比眾耦

賓主人至比眾

耦

次三耦取矢于楅

遂命三耦至而后反位

次眾耦就位

眾實未拾取矢至大夫之耦為上

次請

釋獲

司射作射至執而俟

次再射

乃射至其而俟

次再取矢

司馬袒決至乘矢如初

次告獲

司射遂適西階

西至其而俟

次飲不勝者

司射適堂西至乃徹豐與觶

次獻獲者

司馬洗爵至負侯而俟

次獻釋獲

者

司射適階西至以反位

次三請射

司射去拊至賓許

次皆取矢于楅

司射降至以反位

次請以

樂

司射猶挾一个至樂正退反位

次三射告獲

乃奏至降復位

次三射飲不勝者

司射命設豐至升飲如初

次復取矢于楅

司射猶袒決遂至皆升就席

次射事畢

司射乃適堂西至反坐

次旅酬

賓北面坐取祖酒之

解至

次二人舉觶

使二人舉觶至則唯賓

次徹俎

司正至少退北上

次燕

主人以賓揖讓至無算樂

次賓

出實興至再拜 次賓拜賜主人拜辱明日退 次息司正主人釋 記三十有

三章首賓首二節 次牲俎席器其牲至進膳 次行禮諸節凡舉爵至大夫不入 次樂與

獻工之節樂正至西階上 次立者位立者節 次薦司正司正節 次戒三耦三耦節 次司

射弓矢陳處及與司馬並行之節司射之弓矢至倚旌 次侯及物凡侯至物當相 次命

負侯命負侯者節 次適堂西所由凡適堂西節 次旌旌至二尋 次挾矢法及司射位

司馬執弓之節凡挾矢至不執弓 次釋獲之節始射至行之 次射位上射節 次福福至當洗

次撻射者節 次取矢取誘射至而取之 次擯賓主人射節 次中鹿中節 次大夫射大夫降至少退

于物 次司射釋弓矢之節司射釋弓矢節 次不主皮禮射節 次主人飲位主人亦飲節

次獲者釋獲者俎獲者至皆有祭 次說矢束大夫說矢束節 次樂節歌至射無算 次旅古者至不

祭 次士入及大夫出之節既旅至再拜 次侯籌扑之度鄉侯至刊本尺 次君射之

儀君射至次中與獲之等君國中射至次臣無國中射及侍射于君

之禮唯君有射于國中至則肉袒

燕禮第六 儀禮 此於五禮亦屬嘉禮大宗伯云以饗燕之

禮親四方之賓客舉其大者也此篇乃諸侯與其臣燕之禮經凡

二十有九章首戒羣臣及官饌首節至無加席也次卽位射人告具至皆少進次命賓

及執事者射人請賓至羞于諸公卿者次賓入拜至射人納賓至賓答再拜次主人獻賓主人

至主人賓以虛爵降至東面次主人獻公主人盥至奠于膳篚次主人自酢更

洗至奠主人盥洗至次媵解于公小臣自阼階至公谷再拜次公為賓

舉旅公坐取至奠于篚次主人獻卿主人洗至無加席次再媵解于公小臣又請至公谷再拜次

公為卿舉旅公又行一爵至奠于篚次主人獻大夫主人洗至大夫皆升就席次升歌席工至奠于篚

至奠于篚

次公為大夫舉旅

公又舉奠 奠至卒

次正歌備

筮入至 復位

次立司正

射人自阼階 下至反奠于

其次徹俎

升自西階 至北上

次燕

賓反入 至反坐

次主人獻士

主人洗 至立飲

次射

若射至如 鄉射之禮

次賓勝解于公

賓降洗至 賓反位

次公為士舉旅

公坐取 至卒

次主人獻庶子已

下主人洗至如

獻庶子之禮 次無算爵

無算爵至為 大燭于門外

次賓出

賓醉至 公不送

次公與客燕

客燕

至終記凡十有一章首服及燕所

首節 其牲至 東方

次燕四方之賓

若與 四方之賓 與

至無膳爵

次賓及執事者

與卿燕至 小膳宰也

次樂

若以樂納 賓至則勺

次俎

唯公與 賓節

次獻

公辭及栗階之節

獻公至不 過二等

次請旅侍臣

凡公所 酬節

次薦與羞之人及

羞

凡薦 二節 次君與射之事

君與射至 則肉袒

次四方賓燕辭及樂

若與四方之賓燕 至有房中之樂

大射儀第七

儀禮

此諸侯與其臣射之禮也經凡四十八

章首戒射官饌

首節至 官饌

次即位

奠定至大 夫皆少進

次命賓及執事者

大射正 至羞子

公卿者 次賓入拜至 擯者納賓至 次主人獻賓 主人降洗至 次賓酢主人

賓以虛爵 次主人獻公 主人盥至 次主人自酢 更爵洗至 次主人酬賓

降至東面 主人盥至 降奠于篚 次公為賓舉旅 公坐取 次主人獻卿

東南面立 主人洗觚 小臣自酢 次再騰解于公 至公答拜 次公為卿舉旅 公又行一爵 次主

至無加席 主人洗觚至大 乃席工至西 次升歌下管 面北上坐 次立司正 擯者自

人獻大夫 夫皆升就席 遂適西階前 次納射器畫物 至自北階下 次誓大史比三

至北 次請射 司射適次至 次初射 司馬師至 次設楅取矢 司馬正

耦 大史俟至取 司射入于 次比眾耦 公許至 次三耦取矢于楅 遂命三

位 次再請射 司射適西階 次再取矢 司馬祖執弓 次告獲 司射適階西 次飲

襲反 次再射 司射作射 次再取矢 至升就席 次告獲 至其而俟 次三請射 司射倚

不勝者 乃徹豐與解 司射命設豐至 次獻服不之屬 司宮尊侯至 次三請射 司射倚

初 次皆取矢于楅反摺扑至 次請以樂司射猶挾一个 次三射告獲司射猶挾一个

首至 復位 次復飲不勝者司射命 次復取矢司射猶祖決 次射事畢卿大夫

至退中與 次公為大夫舉旅公又舉奠 次徹俎司馬正至 次燕司正升賓

坐 次主人獻士主人洗 次賓媵解于公賓降洗至 次公為士舉旅公坐

士旅 次復射若命至 次主人獻庶子已下主人洗至如 次無算爵無算

酌 為燭于門外 次賓出公入賓醉至

聘禮第八 儀禮 此侯國之卿大聘之禮也於五禮屬賓禮

經凡四十有二章首命使具幣首節至 次夕幣及期至 次使介各釋

幣于禰與行厥明至 次受命遂行上介及眾 次過邦假道若過邦至

肆 未入竟至 次入竟及竟至 次展幣乃展至展幣於 次郊勞賓至于近 次

不習私事 次入竟飲禮 次展幣買人之館如初 次郊勞郊至如初 次

賓至館下大夫勞者次致館卿致館至次設餼宰夫朝服次訝賓迎賓至皆少牢

厥明至賓几筵既設至次聘及享聘于夫人節次因事有言若

立接西塾擯者出請事次醴賓擯者出請事次賓介私覲實覲至次公送賓擯者出請次賓至訝受馬

即館賓請有事次卿大夫勞賓介卿大夫勞賓次歸賓饗餼君使卿至

首至實即館次歸上介饗餼上介至兩次餽眾介士介四人次賓問卿實朝服

賓介私面卿擯者出請事次問下大夫嘗使者下大夫至面次大夫有

故大夫若不次夫人歸禮夕至拜次大夫餽賓介大夫餽賓至次饗食

燕羞諸節公於賓至次大夫饗食賓介大夫於賓次還玉及賄君使卿

不亦如之次館賓公館賓次賓歸贈送實三拜至士次反命使者歸至次使介

釋幣告至釋幣于門至上次遣主國喪聘遣喪至次聘君聘君至次

有私喪若有私喪至衰而從之次賓若介卒實入竟而死至往卒殯乃歸次小聘小聘曰問至終記三

十章首有故加書報書之節記至君館之次始行諸事既受行至飲酒于其側次主

纁所以朝天子至紉組次問大夫幣問大夫節次辭對之辭辭無常至非禮也敢次館及所共卿

於大夫至沐浴而食之次訝卿至以其筆次聘玉凡四器節次賓次宗人節次諸容上介至主慎次庭

實出入法凡庭實至皆東次貨幣之度多貨至在聘于賄次執玉凡執玉節次禮賓之事禮

拜至至既觀至則次君不見若君不見至不禮次大夫勞賓幣之所及節次

賓以饗祭賜饗至及度車次禮賓之節聘日致饗至俶獻比次請觀歸大禮至自下門入次致禮之

異各以其爵至簠五斛次賓請歸既將公事節次賓拜賜凡賓拜節次燕燕至宰夫獻次賄之重

者無行次館賓辭曰至又拜送次賓釋皮帛于館賓於館節次饗否之異大夫來使至致

之唯大次米禾之量十斗曰斛至一耗

公食大夫禮第九 儀禮 大宗伯有饗燕無食饗食事相

屬統於饗燕矣亦嘉禮也經十有八章首戒賓賓從俟于次首節至如聘

次饌具奠定至饌于東房次迎賓拜至公如賓服至北面再拜稽首次鼎入匕載士舉鼎至逆退復位

次設正饌公降盥至卻于其西次賓祭正饌贊者負東房至醬清不祭次設加饌宰夫授公飯梁至以蓋降

出次賓祭加饌贊者至兼壹祭之次賓食賓降拜至稻西次侑庭實設至公答再拜次卒食賓降至公

降再介逆出至次賓出賓不顧次歸俎有司至不與次賓拜賜明日至訝聽之次食上大夫

上大夫若不親食次致食大夫相食至如公食大夫之禮次大夫致食若不親食

至訝聽命次大夫相食大夫相食至如公食大夫之禮次大夫致食若不親食

終記九章首食禮諸事記至司官至出次賓車賓之乘車節次劔劔至

也劔者次贊者升節贊者次盤及炙盤至無醬次上大夫筵上大節次積積至下大夫

次上大夫法儀上大夫庶羞至終

覲禮第十 儀禮 此諸侯入覲于王之禮也於五禮屬賓經

十有三章首郊勞首至侯氏次賜舍天子賜舍至次戒日天子使大夫

次受次諸侯前次釋幣于廟侯氏裨次覲乘墨車次三享四享至次告

聽事乃右肉袒次王勞侯氏遂入門左次賜車服天子賜侯氏次稱謂

同姓至次饗禮次方明壇禮諸侯親于其稱謂一章疑記錯于

經者也記三章首几次偏駕次奠圭經文同姓一節似應在此記

之後云

喪服第十一 儀禮 子夏傳 此喪服亦關乎上下者也

子夏之傳猶鄭君之注釋文題喪服經傳誤矣經凡十有一章首

斬衰三年次齊衰三年次齊衰杖期次齊衰不杖期次齊衰三月

次殯大功九月七月次大功九月次總衰次殯小功五月次小功

五月次總麻三月記十有三章首公子為其母妻記首至傳文字亦不敢不服也次

兄弟服之異者大夫至傳文小功以下為兄弟次朋友服朋友二節次從服降等君之所為兄弟二節

次庶子為其母黨庶子為後節次為宗子殯服宗子孤至如邦人次改葬改葬節次童

子總童子至傳無總服也次妾為私兄弟凡妾節次弔服大夫弔於命婦至傳文錫次笄總女子至

有首次衰裳凡衰至袷尺二寸次冠衰升數衰三升至終

士喪禮弟十二 儀禮 此士喪其父始死至既殯之禮也母

之喪準諸此矣於五禮屬凶經凡三十有一章首始死首節至帷堂次赴

乃赴至入坐于牀次哭位東至北面次君使人弔君使人弔至入也次兄弟朋友禭親

則拜之禭至以次為銘為銘至字次為塗濯器甸人至次陳襲事陳襲事至南上次沐

適房西階上次為銘西階上次為塗濯器甸人至次陳襲事陳襲事至南上次沐

浴管人汲至次飯含主人入次襲商視至次設重重至取銘次陳小斂

衣物厥明至次小斂復位次小斂奠乃奠至次禭有禭者次為燎宵

次陳大斂衣奠殯具厥明至次徹小斂奠燭至次大斂婦人尸西次殯

主人奉尸至踊襲次大斂奠乃奠至次君視大斂君若有賜至次成服三日次

拜弔者拜君次徹大斂奠朝夕哭次朝夕奠乃奠至次朔奠朔月奠至

次筮宅筮宅至次哭椁及哭明器既并椁至次十日上日至

既夕弟十三 儀禮 此自啟至于反哭之禮與前為一篇簡

策重多析為下篇舉首二字以為題石經釋文竝作既夕禮誤也

經凡二十一章首請啟期既夕至次陳奠饌夙興至次啟二燭至

朝祖遷于祖至次請祖期有司至次載柩主人入次陳器陳明器至次祖

送于門外日側次載柩至屬引次陳器杖筮次祖

奠後奠至主人送次請葬期有司至次公賙公賙至杖次賓及兄弟賙奠賙贈賙贈至

知生者賙次書賙書遺書賙至次代哭為燎乃代哭至次大遺奠厥明至要

次出重與車馬苞牲行器甸人抗重次讀賙讀遺主人之史次柩行祝

至踊次公賙至于邦門次窆至于壙至次反哭乃反哭至次虞卒哭猶朝

終記二十有九章首正終及侍疾諸事記至禱次始死乃卒至次赴

君辭赴次哭位室中至次無二主尸在次禭者儀節禭者至次沐浴飯

含夏祝至次為燎滅燎之節既襲至次較布凡較次諸奠設於至次小

斂踊及袒髻之節無踊節次大斂處及升降之節大斂至主次說髻

既殯次衰杖居處飲食乘車之度三日至次朔月埽室及下室之饋

朔月至不飲于下室次筮宅卜日筮宅至次將啟啟之听次朝禱適祖朝于禱廟

次薦車薦乘車至次設遷祖奠之節將載至次葬器抗木至次遷車執皆論

披祖至旁次賓贈凡贈次糗凡糗次柩止及魂車之節唯君命次君視至不驅

斂君視次納柩車既正次饌祖奠祝饌祖次明器弓矢次弓矢之其末新至終

四章則補前記之未備者也

士虞禮第十四 儀禮 此反哭日中而虞之禮也再虞三虞

卒哭耐大率進請此耳經凡十有七章首享饗特豕至次饌具設洗至

次卽位主人及兄弟至次設饌祝盥至次祝饗主人再拜次尸入祝迎尸

次尸食從者錯能次主人酌尸主人洗廢爵次尸酌主人祝酌投尸

主人獻祝佐食筵祝至升次主婦亞獻主婦洗足爵次主婦獻祝佐食至卒爵如初

酌獻祝至賓三獻賓長至如初儀次告利成祝出戶次尸出祝入至次改設祝反

入于房

席屏用次事畢祝薦席至終記十有二章首沐浴記首次牲鼎俎實陳牲至次

執事位高戶至負次釔豆銅莖至次相口儀戶入至宗次戶戶服至次無

戶禮無戶至詔次祭日祝辭始虞至哀次饌戶獻畢至次無戶不饌無

至拾降如初次練祥禫祥而小至尚饗祥至終

特性饋食禮第十五 儀禮 此禴月未配之祭吉而未純

吉也經四十有二章首筮日首節至宗次筮戶宿戶前期三日次宿

賓宿賓至次視濯視牲為期厥明夕至次亨饔夙興至西次陳設奠饔

面賓拜送次即位主婦繼并至次薦豆設俎主人及祝次陰厭祝洗至主人次戶

入祝迎尸至次戶食執奠至反黍次主人酌戶主人洗角次戶酌主人

祝酌至次主人獻祝佐食次主婦亞獻戶主人洗至卒次主

婦獻祝佐食獻祝至入于房次賓三獻尸爵止賓三獻節次主婦致爵于主人自

酌席于戶內至反于房次主人致爵于主婦自酌主人降洗至入復位次賓作止爵尸酌

賓賓獻祝佐食致于主人主婦自酌三獻至復位次主人獻賓長自酌主人

降阼階至次主人獻眾賓眾賓升至次主人酬賓長舉兩進至揖復位次獻長兄

弟自酌主人至如賓儀次獻眾兄弟洗至如眾賓儀次獻內兄弟自酌洗至入復位次長

兄弟為加爵長兄弟至無從次眾賓長為加爵爵止眾賓長至爵止次嗣舉奠嗣舉奠至

舉奠出復位次兄弟弟子舉觶兄弟弟子至酬賓儀次告祭齊宗人節次羞乃羞次賓與

兄弟旅酬賓坐取觶至皆如初儀次賓長作止爵為加爵者節次兄弟與賓旅酬長兄弟至

實觶實弟子至酌皆無算次弟子各舉觶無算爵實弟子至酌皆無算次佐食獻尸及祝利洗散節次尸

出主人出至主人降次徹尸俎庶羞祝一及至西序下次奠筵對席至西面次陽厭祝命徹作次

禮畢祝告利成至終記九章首祭服記至皆次器物及陳設位次設洗至次執

事者之節沃戶盥至次宗人佐食所齒宗人至兄弟次房中位及舉旅贊

薦之節樽兩壺至次祭饗戶卒次賓送尸實從次俎實尸俎至次公有

司私臣位及受獻之節公有司

少牢饋食禮第十六 儀禮 此侯國卿大夫時祭之禮也

於五禮屬吉經二十有四章首筮日官戒首節至又次戒尸筮尸

宿尸宿至改次為期既宿尸次視殺明日退次概器雍人至次實鼎定

至北面筮尸次陳器饌司宮至次即位主人朝次設几筵司宮筵次杜載主人

出迎鼎卒齊至次陰厭祝酌奠至又次尸入祝出至祝次尸

至革順入于房次主人酌尸主人降洗爵次尸酌主人祝酌授尸次主人

食尸取韭菹次主人酌尸主人降洗爵次尸酌主人祝酌授尸次主人

獻祝佐食

主人獻祝至一膚

次主婦獻尸尸醋

有司贊者至卒爵拜尸答拜

次主婦獻祝佐

食

主婦以爵出至以入于房

次賓長獻尸尸醋

賓長洗爵至拜尸答拜

次賓獻祝

賓酌至其爵于其筵前

次告利成尸出

主人出至遂出于廟門

次徹所俎

祝反至作階南

次襲

司官設對席至終

有司弟十七

儀禮

此饋尸于堂之禮亦與前為一篇以簡

多析之也或題有司徹者非經凡三十有七章首埽堂攝酒焚俎

有司徹至如初

次立侑

乃議侑至俟于廟門之外

次設筵

司宮至東面

次迎尸侑

尸與侑至侑答拜

次陳

鼎俎 乃舉至西枋

次授几

主人降至皆北面答拜

次主人獻尸

主人降洗至拜送爵

次主婦薦豆

遷 主婦自東房至與退

次載俎

乃升至皆加應祭于其上

次尸卒爵

卒升至立于筵末

次主人獻侑 主人

酌獻侑至主人答拜

次尸醋主人

尸受侑爵至皆升就筵

次主婦獻尸

司宮取爵至主婦答拜

次主婦

獻侑

受爵酌獻侑至主婦答拜

次主婦致爵于主人

受爵酌以致于主人至受爵

次尸醋主婦 尸

筵至皆就筵 次賓獻尸爵止 上賓洗爵 次主人酬尸 主人降洗解 次羞尸侑

主人主婦 乃羞至皆左之 次主人獻上賓自酌 主人降 次主人酬上賓 宰夫洗

奠爵于薦左 次主人獻兄弟 主人洗 次主人獻內賓 主人洗至 次主人獻私

人 主人降洗至 次尸作止爵 尸作三獻之爵 次上賓獻侑 受爵至三獻 次

賓致爵主人 酌至北面答拜 次尸酌上賓 司士羞一樽 次二人舉解于尸侑

二人洗解至 次旅酬 尸遂執解至卒 次羞堂下及房中 乃羞至及私人 次兄弟

後生者舉解于其長 兄弟之後生 次賓長獻尸 賓長至 次次賓舉解

于尸遂於下 賓一 次堂下相酬無算爵 賓及兄弟節 次尸出禮畢 尸出至

次不償尸之禮 若不償尸至 徹室中之餼